

金

罍

子

金龜子上篇卷之二

明上虞陳絳用揚甫著

會稽陶望齡周望甫閱

同邑車任遠遠之甫校

男陳昱輯

曹沫  
劫齊桓

曹沫爲魯莊公將。與齊戰。三敗。益喪地。及柯之會。齊桓公方與莊公盟。沫執匕首。歷級而升。劫桓公於壇上。求所侵魯地。桓公許之。已而悔之。欲無與魯地。而殺曹沫。管仲曰。此愈一小快耳。而棄信於諸

侯不可。於是遂與曹沫三敗所亡地於魯。諸侯聞之。皆信齊而欲附焉。此一事也。蓋魯以刼得地。齊以信市人。魯之得爲失齊之與爲取矣。異哉沫之爲魯。顧將與藉齊也。魯之益曾不能蚤甲而爪喪焉。可誅也。魯猶有司寇之法在。其得免於討乎。夫堂堂乎將帥之雄。而盜賊之靡乎。失氣於旗鼓之間。而逞志於樽俎之際乎。三軍之寄。以扞圉也。戰而喪地。戰而還之。卞莊孟明。功無書焉。矧於行刼。薄人於險。非仁也。掩人之卒。非勇也。小國而怒強。

敵非計也。且夫耻匹夫有後顧而况震伯國之主耶。沫之志曰得地而已。三敗之土地非索諸桓公之衣帶而有也。沫之能以一匕首乘齊於壇之上者。時也。壇之下雖有百沫猶置孤豚豕焉。使桓也壇之上而許之。壇之下而悔之。國之中將悉呼諸侯之師而致討焉。則如之何。沫復欲以匕首抗能乎。其不能也。魯何以存。當斯時也。食沫之肉庸足贖乎。幸而齊方以信懷諸侯。因以沫餌而漁天下也。沫且以爲得地。而前三敗之耻失矣。然而爲魯

計者得地之辱孰與喪地師而喪地魯在劫而得地魯亡何也禮義信魯所以國也兩君好會三等之階揖遜而登玉帛之贄交相入也尊罍之歡交相舉也一夫挾其區區螳蜎狶突咄嗟而來劫脇萬乘將有所求謂魯忘耶則狡而貪惡爲乎宗國爲自沫耶而君不禦卽國有不逞之夫而朝有不令之士也則莊公奚君焉以禮舉而阻之以兵以義合而邀之以利盟而詛諸鬼口之丹猶濡也而叛之矣周公之魯何如者而忽焉喪之復魯之地

尺寸也。顧喪其所以爲魯。豈尋丈之間已哉。且夫土地者。固非齊之所愛也。齊之所愛。求得天下之諸侯也。桓公嘗伐山戎。道燕。燕君送之出境。涉齊地。桓公問管仲曰。諸侯相送。固出境乎。管仲曰。非天子不出境。桓公曰。然。畏而失禮也。寡人不可使燕失禮。乃割燕君所至之地以與之。諸侯聞之。皆朝於齊。桓公誠求諸侯。卽已之土地不愛。而况魯有耶。以齊言之。得之於魯。復之於魯。齊無失也。而顧潢然以市厚於天下之諸侯。以魯言之。失之於

齊取之於齊。魯未始得也。而不免爲盜賊之國。於是乎魯之辱不止於三敗。而齊固已萬勝乎天下矣。則沫之爲也。甚矣沫之罪可誅也。或曰。然則管子之所以勸其君則何如。曰。昔孔子爲魯大司寇。齊景公與定公好會夾谷。犁鉏請令萊人爲樂。因執魯公。可得志。方會。進萊樂。孔子歷堦而上。使有司執萊人。斬之以禮讓景公。公慚。乃歸魯侵地。以謝。沫乎亦柯之會之萊夷哉。魯乃爲夷狄之道矣。管仲之相齊。使出於尼父之舉。則沫之首足將異。

門而山知求土地

三北為將

管仲不薦鮑叔為政

尸乎

魯下莊子養母嘗為魯將三戰而三北齊管仲亦曰  
吾嘗為將三戰三北而鮑叔牙不以為怯知我有  
老母也家之孝子國之敗將耶記曰戰陣無勇非  
孝也事君不忠非孝也予謂人子苟不敢以其親  
之身許人當辭為將若之何受人之推轂而以輿  
管仲寢疾桓公往問之曰仲父不幸而不起此疾彼  
政我將安移之仲未對公問鮑叔之為人對曰鮑



叔君子也。不可以爲政。其爲政也好善而惡惡已甚。見一惡。終身不忘。其隰朋乎。於是仲卒。隰朋亦卒。公遂委政於易牙。開方。豎刁。而齊亂。陳子曰。惜也。齊無以鮑叔爲政也。使叔也相齊。無三子之亂矣。何也。曰。以其好善而惡惡之甚。知之以其好善而惡惡之甚。見一惡。將終其身不能忘。而能忘三子哉。或曰。然則仲蔽賢與。曰。否。仲蓋爲叔之不能并容。而畏卒禍之也。是仲過爲叔計。未及爲齊計也。或曰。爲齊計者。用叔。迄無三子之亂與。曰。事未

後宮盛色則賢者微女謁既昌斯諛夫進

可知也。蜀董允秉直匡主義形於色。諸葛武侯薦  
允爲侍中。武侯死而宦人黃皓畏允不敢爲非者。  
終允之世。用叔亦齊之董允與。事未可知也。惜也。  
仲之爲齊計。而不及武侯也。

后宮盛色則賢者微女謁既昌。斯諛夫進德與色好  
之所不兼與。是其可不脊耶。談者蕪室而難於庭  
鹵莽。濶畧於君之身心。而綜覈於用人行政。則倒  
矣。李泰伯之詩曰。若教管仲身長在。宮內何妨更  
六人。昔者桓公宣淫。管仲實懲之。以爲不害霸也。

以苟容其身。而倖一時之功。卒釀禍於身後。仲幸  
先死耳。卽其身。在無必免者。徒以有六人耳。而容  
更六耶。王荊公詩曰。但願君王誅宰嚭。不愁宮裏  
有西施。夫惟倖人爲能養君之欲。故凡所以用宰  
嚭者。爲有西施也。有西施而後宰嚭用。縱誅一宰  
嚭。天下遂無宰嚭耶。此皆不循其本。昧沒而云爾  
也。

墨子  
更書  
勸告  
魯語。宣公使僕人以書命季文子曰。子莒太子邑。里  
革遇之。而更其書曰。流之夷。又宣公濫於泗淵。革

斷其胷而棄之曰魚方別孕而行網罟貪無執也  
二事皆後世人臣所難而里革優爲之其賢矣夫  
然予以爲斷罟可也更其書則不可爲人臣者其  
君違則弼之甚則諍之若書而更是尸其君於國  
而自爲令也是與君爲君也開僭僞之端啟陵遲  
之漸不可止矣柳子曰盍若授僕人以入諫之善  
耶或曰引筆而塗秉燭而焚事不有大於此者乎  
曰艾於過舉不可以嘿而聽也迫於遂事不可以  
待而弭也於是乎有不得已焉亦斷罟者類也若

棄君之令而自爲之書是矯制也是擅命也是與  
君爲君也按左氏莒太子僕因國人以弑紀公以  
其實玉來奔納諸宣公公命與之邑曰今日必授  
季文子使司寇出諸竟曰今日必達無里革事

宋人殺昭公趙宣子請師於靈公以伐之公曰非晉

國之急也對曰大者天地其次君臣所以爲明訓

也今宋人殺其君是反天地而違民則也公許之

乃發令於太廟召軍吏而戒樂正令三軍之鍾鼓

必備聲其罪也趙宣子於是能奉天討矣其不謬

趙穿弑其君靈公而宣子反無一言

沒於君臣之際矣。故此一宣子也。異時得臯出奔。而其宗人穿殺其君靈公。而宣子友也。無一言焉。夫可以不煩軍吏之力也。而尼何哉。有君之弗恤。內賊之弗討。而隣是師乎。且宋之伐。誅有罪也。聲之鍾鼓。正其名也。索賂而還。又與立其罪人而成之。人之稱斯師也。則謂之何。雖曰此林父之以也。然盾固已不堅於大義矣。或曰夷臯之立也。非宣子意。靈公蓋不忘也。宣子知之。故爲宋之討。以見義於靈公。而又知公之終弗吾予也。則又乘時以

假手於賊而甘心焉。曰莫余毒也已。則又偃然視  
息於天下曰。弑君者我何知焉。狡已哉。夫竊氏之  
賊。不曰羽父。斃高貴鄉公於車中者。賈克成濟歟。  
唐昭公之弑。碭山之爲也。然則桃園之逆。固不得  
委之穿矣。穿之手。盾之心。與直哉太史氏。不鍾不  
鼓。乃以筆伐盾也。誅其心。懸之簡冊。無容廋焉。盾  
保首領而罪不滅。於是乎下宮之役。大夫屠岸賈  
曰。靈公之賊。盾雖不知。猶爲賊首。糾然興一國之  
師。而汙其官。渚其室。趙氏之宗。幾亡炊火焉。斯報

鄧周死

亦烈矣。宣子之言曰：大者天地，其次君臣。夫蔑君臣而反天地，固不可也哉。

晉下宮之難，公孫杵臼死，程嬰不死而孤立。人勸嬰母死，嬰死，嬰以一死報公孫杵臼也。漢逮趙王，偃諸反者，趙午等十餘人皆先死，貫高獨不死而王已白。詔赦高，令勿死。高死，高以一死赴趙午等十餘人也。人生惟一死，死尤不欲以此賒負人。古人重信義至此。宋張洎事南唐李煜，宋師至，城陷，洎携妻子及橐裝，自便門入，止宮中。給光祿使陳喬



同升閣。欲與俱死。喬自經氣絕。洎及下。見煜曰。臣與喬同掌機務。國亡當俱死。又念主在。誰能爲主。白其事者。不死。將有以報也。及入宋。洎遂顯用。而反倚勢。丐索煜亡已。煜貧甚。至以白頰面器與洎。未滿意。袁天與宋末第進士。未仕而宋亡。人勸其退伏草莽。爲自全計。天與不聽。廼結義兵。誓復州邑。兵敗。詈敵而死。初與將作監謝昌元直學士趙孟頫約同死國。亡何。趙謝二人皆食元祿。而天與獨踐約。一門自盡者十七人。

本朝建文中。靖難師逼。胡廣楊士奇諸公與周公  
是修皆先期約同死。及師至金川門。周公自經於  
應天府學之尊經閣。而諸公相帥勸進。皆躡躋華  
要。陳喬死。張洎獨不死。袁天與死。謝昌元趙孟順  
獨不死。周是脩死。胡廣諸人獨不死。人各爲其主  
死死義耳。三公何所不足。而取償於人之同死爲。  
顧如洎與謝趙胡楊諸人。抱此賒負。雖其生富且  
貴。要自不能無愧恨處。它日雖竟死。亦亡面目見  
陳袁周諸公地下耳。以此見人此一死。要得其所。

誠不足多愛恤。苟愛死。逃死不可。况百年之內。終不可逃。而書之信史。徒令清議之士。至今猶以筆舌督逋。諸人雖既死。不足償負。為可惜也。

晉書  
春秋  
君出

春秋晉人殺其君厲公。邊人以告。魯成公在廟。問曰。臣弑其君。誰之過也。里革對曰。君之過也。衛人出其君獻公。晉師曠侍於晉侯。晉侯曰。衛人出其君。不亦甚乎。師曠對曰。或者其君實甚。魯昭公出遜於乾侯。季氏出之也。趙簡子問於史墨曰。季氏出其君而民服焉。諸侯與之。君死於外。而莫之或罪。

也。對曰：天生季氏，以貳魯侯，爲日久矣。民之服焉，不亦宜乎？或曰：君臣之際嚴矣，爲人臣而至於放其君而弑其君，而二三子者之對曾不以爲不可也。且或以過其君而甚之，則何君？豈所以掖世扶教與？曰：君臣之際嚴矣，君而可放也者，必桀其君，而其臣湯可殺也者，必紂其君，而其臣武。湯武桀紂，不竝世而有也。則君君而臣臣可矣。晉之殺厲公也，衛之出獻公也，魯之逐昭公也，以亂臣姦庸君，逆之大也。又何問乎？雖然，乃二三子之言之，則

有間矣。里華師曠對其君之言也。告其君將啟之。以不於常之命。不可恃之尊。以怵其心而作之脩。以成乎其爲君。蓋昔者孟子之所以告宣王也。不猶可乎。若晉之六卿。魯之三家也。六卿之趙。猶三家之季也。趙簡子之問。亦隱然有將之心焉。而墨也。實怨憑之。史以懼亂臣。而墨以佐逆導亂。其亦異乎董狐之爲史矣。

齊崔杼生成及疆娶東郭姜生明。東郭姜以狐入曰。棠無咎與東郭偃相。崔氏崔成有疾而廢之。而立

為厚  
魯季  
氏患  
叔之  
厚以  
為薄

明成請老于崔偃與無咎勸崔子弗與成與邴邴  
將殺之告慶封慶封告盧蒲鯀盧蒲鯀曰彼君之  
讐也天或者將棄彼矣彼實家亂子何病焉崔之  
薄慶之厚也魯叔孫穆子卒仲至自齊季孫欲立  
之南遺曰叔孫氏厚則季氏薄彼實家亂子勿與  
知不亦可乎崔慶於齊唇齒也叔季在魯手足也  
為慶氏者則利崔之薄以為厚為季氏者則患叔  
之厚以為薄藩牆之內而各有心難與處矣夫何  
手足唇齒之不相為乎或曰固天道也夫能以同

惡而終始者與有幾。且夫四家不合。則二國不分。天固塞二子之衷而奪之鑒。使讒人交閱之。而以自稔禍也。不然。所以祖齊魯者未歇也。

左傳。晏子侍齊景公於遯臺。飲酒樂。公曰。古而無死。其樂若何。韓詩外傳。齊景公游於牛山之上。而北望齊曰。美哉國乎。鬱鬱太山。使古而無死者。則寡人將去此而何之。俯而泣沾襟。史記。景公三十二年。慧星見。景公坐柏寢。嘆曰。堂堂誰有此乎。自有生以來。未有無死者。景獨何感之深耶。顧獨有不

死者其德施於民。浹於其心。則文武成康。沒世而  
不能忘。蓋死者其不可傳者也。其可傳者死耶。公  
也。有馬千駟。死之日。卽民無德而稱焉。其生也而  
億兆之人。詛之。惟恐其一日之生。若是而徒死。憂  
亦末矣。

晉國語曰。欒懷子改桓子之行。脩武子之德。而離桓  
子之罪。以亡於楚。繆乎。其窺測天道之未瑩者耶。  
將使爲人子者。不幸而有父之惡。束手跂足而禍  
耳。蔑繩祖之志。弛幹父之心矣。且武子之禍。不足



以延其孫而桓子之罪乃必及其子是善無延世之賞而惡有及嗣之罰非天道也桓子之汰也以武子之德而免懷子之脩也以桓子之罪而及抑禍淫福善之俱爽也謂天不夢夢乎

吳有負薪者與延陵季子交讓地金是負薪者之節競爽於延陵氏也吳多人哉亦季子之風類與季子處其身讓千乘之國以遺金予人故負薪者嗤其居之高視之下且吳介公子歷聘於諸侯以知人稱顧於吳獨不知有負薪者何哉母亦昔人所

謂目論者耶。然人亦故難識。途之人而欲素熟於公卿間難矣。既翳其身而藏焉。人知弗知。曷預弗取之可也。投鏃於地。瞋目拂手。非也。其不語季子以姓名。乃不忘名之尤也。先王之制也。夏有葛。冬有裘。苟不能葛。亦安事裘。裘於五月。揭然以負異於人。曰五月負薪衣羊裘。非杓之人與。故曰其不語季子以姓名。乃不忘名之尤也。

楚申包胥哭血秦庭七日。而卒以秦師敗吳。救楚復楚。其節偉矣。其功烈卓矣。近攷越語。胥使越問越。

王所以與吳戰。而曰夫戰。知爲始。仁次之。勇次之。不知則不知。民之極。無以銓度天下之衆寡。不仁則不能與三軍共饑勞之殃。不勇則不能斷疑以發大計。於是越王曰諾。而召五大夫謀所以戰而伐吳。則是越之伐吳。胥實與其謀。胥楚使者也。非使命是共。而與知人國事。何其爲區區猶不忘宗國之耻也乎。故此申包胥也。旣借秦以存楚。復因越以滅吳。胥爲楚無幾餘欠矣。子房借漢以滅嬴。臧項以爲韓也。嬴項滅而無救於韓亡。胥楚存而

伍子胥  
入吳  
欲道吳  
以伐郢  
而脩已  
之怨於  
楚也吳

吳滅二子之忠智鉤。而良猶爲獨蒙其不幸也哉。  
伍子胥入吳。欲道吳以伐郢。而脩已之怨於楚也。吳  
公子光曰。不可。子胥知吳公子光之怨王。而冀得  
其處也。則進專諸。使公子光享王。因置匕首魚炙  
腹中。而甘心焉。公子光立。是爲闔閭。以伍子胥爲  
行人。伐楚。幾覆楚。是殺也。子胥之志也。君子曰。毀  
人以自全也。敗人以自成也。仁者勿爲。况將亂人  
之國。以徼幸匹夫之志。弑人之生君而已。自爲其  
死父乎。夫苟可以得志而已矣。又何有於君。然則

越有  
刑政

錫鏤之賜也。固亦畏有異時之匕首在也。且夫事君者無外交。徇國者無內顧。而胥也。功成不顧。幾見弗圖。既諫伐齊。勿聽。乃復爲之。使於齊。又屬其子於齊之鮑氏。是讒口百抵而胥且設之。讖而助之。攻其及宜矣。

史記吳世家。越滅吳。殺王夫差。而誅太宰嚭。以不忠於其君。而外受重賂。與已比周也。此語蓋必有受。而左氏傳。公如越。得太子適郢。將妻公。而多予之地。季孫懼。使太宰嚭而納賂焉。乃止。則實忘忌。

且復用事於越。何小人之多幸哉。然呂覽云。越王  
果與吳戰於五湖。吳師大敗。遂大圍王宮。城門不  
守。禽夫差。戮吳相。則嚭受僇也。吳越春秋。吳王伏  
劍死。越王謂太宰嚭曰。子爲臣不忠無信。亡國滅  
君。乃誅嚭并妻子。越王乃塋吳王以禮於秦。餘杭  
山。卑猶。越王使軍士人。隰土以塋之。宰嚭亦塋卑  
猶之旁。則伯嚭被誅并及妻子。且詳嚭塋處。越絕  
書言宰嚭之死者五。亦曰并其妻子。而又曰三臺  
者。嚭妻子死所也。則又及嚭妻子死處。宰嚭之誅。

且及其族省矣。劉向說死。子石登吳山而四望。喟然而嘆息曰。昔者吳王夫差。不聽伍子胥盡忠極諫。抉目而辜。太宰嚭。公孫雒。偷合苟容。以順夫差之志。而越伐吳。二子沉身江湖。頭懸越門。則又言嚭實葬江魚之腹。豈越將殛嚭以謝吳。而重違其平昔不欲施之刀鋸。而投畀之然與抑亦以出爾反爾。其沉嚭以償子胥之忠魂與。丹鉛餘錄。世傳西施隨范蠡去。不見所出。只因杜牧西子下姑蘇。一舸逐鴟夷句也。予竊疑之。一日讀墨子曰。吳起

之裂其功也。西施之沉其美也。喜曰。此吳亡之後。  
西施亦死於水。不從范蠡去之一證。墨子去吳越  
之世甚近。所書得其真。然猶恐牧之別有見。後檢  
脩文御覽。見引吳越春秋逸篇云。吳亡後。越浮西  
施於江。令隨鴟夷以終。乃笑曰。此事正與墨子合。  
蓋吳滅。卽沉西施於江。浮沉也。反言耳。隨鴟夷者。  
子胥之譖死。西施有力焉。胥死。盛以鴟夷。今沉西  
施。所以報子胥之忠。故云隨鴟夷以終。范蠡去越。  
亦號鴟夷子。杜牧遂以子胥鴟夷爲范蠡之鴟夷。



乃影撰此事以墮後人於疑網也。此論甚覈。然則吳平之後。越行蜚廉惡來之罰於太宰嚭。又行末喜之誅於西施。而并浮之江。以隨子胥之賜皮矣。詔與西施。內外比而滅吳。爲越盡力。又爲越剪其所忌。而殺子胥。吳亡。二人且以爲越德而行自及之。夫禍人國者。亦豈其身家之利耶。然越可謂有刑政也哉。

宋王銍考范蠡載西子之妄本出於杜

牧之詩所謂西子下吳會一舸逐鴟夷銍解詩意

却與亦菴合銍書宋子嘗賞其精博然詩人多隨

姦臣不死有二

意浩舉無是鳥有其不足考按故實久矣必若銓  
云則宋之間詩所謂一朝還舊都觀赦尋若耶鳥  
驚入松網魚畏沉何花又作何解或自故實耶

姦臣不死有二春秋時有傳吳太宰嚭死於魯者子  
貢以告孔子孔子曰不死也久之有自吳來者云  
太宰嚭果不死子貢問曰夫子何以知太宰嚭之不  
死也孔子曰天生宰嚭所以亡吳吳不亡嚭不死  
也宋宣和末蔡京病極篤人皆謂必死矣獨晁叔  
用謂陸宰曰未死也此老敗壞至此若使晏然死

牖下備極哀榮豈復有天道哉已而果然

唐沈顏著讒國曰知佞之讒讒人不知佞之讒讒國

佞人  
說國  
自詳

也是以子胥殺而吳亡李斯誅而秦滅伍尚死而

楚昭奔屈原放而懷王囚故曰知佞之讒讒人不

知佞之讒讒國也見唐文粹陳子讀之曰夫佞讒

國而已乎讒夫鼓舌也因申其義曰知佞之讒讒

國不知佞之讒自讒也是以吳既亡而宰嚭沉見

劉向說苑

秦未滅而趙高族楚昭奔而無極誅懷

王囚而靳尚刺見戰國策尚為張旄所刺史記上

九方正義曰王逸云上官靳尚余故曰知佞之  
讒讒國不知佞之讒自讒也嗟夫此義明庶其爲  
佞人屈軼其有豈乎

趙襄子使新穉穆子攻翟勝之取左人中人使遽人  
謁之襄子方食而有憂色曰趙氏之德行無所施  
於積一朝而兩城下亡其及我哉孔子聞之曰趙  
氏其昌乎夫憂所以爲昌也而喜所以爲亡也勝  
非其難者也持之其難者也賢王以此持勝故其  
福及後世見列子呂氏春秋予以爲此非孔子之

言也其言是也其所爲言非也夫襄子之言豈其  
衷哉襄子審憂得城之亡胡然而攻翟襄子且將  
盡有翟也豈特二城而遽憂亡哉

金匱子上篇卷之三

明上虞陳絳用揚甫著

會稽陶望齡周望甫閱

同邑車任遠遠之甫校

男陳昱輯

春秋書元年春王正月左傳曰春王周正月其誼明

矣是時雖周天子在上而諸侯亦各爲其一國君

故各以其君卽位之一年改元紀年而以行之於

其一國若頒曆授時則惟出於天子則春秋之季

楚就  
正  
朔而  
大一  
統

而諸侯告朔之禮猶不敢廢所以重正朔而大一統者當如是也此春秋魯史也其書元年者魯某公之元年也於是焉而繫時繫月曰春正月則疑於正朔之無所稟承矣故特書曰春王正月以別嫌明微亦且紀其實焉此書法之自然蓋魯史之舊文非孔子之特筆也非直魯史至於列國之史無不皆然若周史既書某王元年則不待更書王正月而自見此元經書帝某年又書春帝正月學步効顰。豐床架屋所以貽笑於後人也而東萊呂

堯授舜正月上日受終於文祖舜授禹  
正月朔旦受命於神宗天下皆知有帝故虞之正  
月不冠以帝天下皆知有王故夏之正月不冠以  
王孔子作春秋以王冠正月爲時之無王也不知  
使時有王孔子作春秋書年書月當以何書可謂  
鑒於理而蔓於詞矣

孟子曰晉之乘楚之檮杌魯之春秋其義一也是則  
當時晉楚各有史惟魯史名春秋耳今按晉語司  
馬侯對悼公曰諸侯之爲日在君側以其善行以



其惡戒可謂德義矣。公問誰能對曰。羊舌肸習於春秋。楚語申叔時告士亹之傅太子曰。教之春秋而爲之聳善而抑惡焉。以戒勸其心。夫聳舍曰。乘楚舍曰。禱杙。而其臣所以對君與傅太子皆稱春秋。豈春秋雖未經孔子筆削。而其善惡之文勸戒之旨固已獨行於當代。有非列國之史之可同語者耶。

孝經卜其宅兆。注宅墓穴也。兆塋域也。葬事大。故卜之。今按墓有宅有兆。故孔子幼孤及喪母合葬於

防而莫知其父墓處。謂墓穴也。古者墓而不墳。穴其下。掩其上。卽平地耳。初塋叔梁紇時。徵在。以少故不臨塋。孔子方三歲。不知也。孔子少長。則當夫歲時寒暑之變。雨露霜雪之感。旣祭於家。復拜於墓。且旣爲東西南北之人。則去國必哭而後行。反則展而後入。皆卽其塋域。徘徊瞻戀。悽愴怵惕。以爲先人之遺體魄藏焉。豈容識其塚曠之所在乎。至於喪母而祔。則魯人之祔也。合之。將竝兩棺於槨中。有不容於不知。不容不慎焉者。聊蔓父之母。

君子居喪  
禮記

與徵在隣善。蓋先時徵在嘗託以視塋。故獨能知之。而孔子得以問而知之也。此事在人間。父母塋日相距大遠。或幼孤少寡。往往時值。况三代之世。非有四尺之封乎。禮記既支離其詞。史記復傳會其事。悠悠千古。遂成不破之疑。此殊可恠耳。

記曰。君子居喪。未塋讀喪禮。既塋讀祭禮。何謂也。曰。君子之於禮。無弗學也。及既際其事。而復習其文者。追遠慎終。將致其誠信。而勿之有悔焉。非至此而始讀之也。今親如死悲焉。慙焉。如弗欲生。俛而

讀禮不已晚乎。君子之讀禮也。以致其知也。非將預擬其親而儲以爲之用也。禮喪事。君子耻具一日二日而可爲也者。君子弗爲也。然而有歲制時制。月制日制。是時則雖父母之終事。亦有所不諱也。死也者。人之必有也。而諱之可免乎。夫預凶事。非禮也。至於禮。則固有吉凶矣。何可廢也。開元之制禮也。大臣諱避。去國恤焉。嗣而山陵之禮。遂無所執。夫寺人宮妾之所爲愛也。非君子之所以事君父也。或曰。溫公之薨也。伊川先生董喪事焉。子

瞻周視無闕禮乃曰正叔喪禮何其熟也又曰太  
中康寧何爲讀喪禮乎伊川不荅鄒至完聞之曰  
伊川之母先亡獨不可以治喪禮乎夫至完之言  
何如曰覈已獨未若以吾之言荅之也

陳子  
車止  
殉葬

檀弓陳子車死於衛其妻與其家大夫謀以殉葬定  
而後陳子亢至以告曰夫子疾莫養於下謀以殉  
葬子亢曰以殉葬非禮也雖然則彼疾當養者孰  
若妻與宰得已則吾欲已不得已則吾欲以二子  
者爲之也於是弗果用何燕泉以爲亢之言祇足

以懼夫愛死者耳。匹夫匹婦之行。固有慷慨一時而殺身以相從於不義者。子亢之言。豈不有以啟之。余謂使若陳子車之妻。能慷慨殺身。則所以養夫子之疾於下者。必不待假諸其人。而復以謀諸人。以謀諸其人。以假諸人。則必不能自殺以殉葬。此陳子亢之言。所以應機而中也。及讀五代史。至四夷附錄。契丹阿保機妻述律。爲人多智而忍。阿保機死。悉召從行大將等妻。謂曰。我今爲寡婦矣。汝等豈宜有夫。乃殺其大將百餘人。曰。可往從先

帝左右有過者多送木葉山殺於阿保機墓隧中。  
曰爲我見先帝於地下大將趙思溫本中國人也  
以才勇爲阿保機所寵述律後以事怒之使送木  
葉山思溫辭不肯行述律曰爾先帝親信安得不  
往見之思溫對曰親莫如后后何不行述律曰我  
本欲從先帝於地下以子幼國中多故未能也然  
可斷吾一臂以送之左右切諫乃斷其一臂而釋  
思溫不殺夫思溫之言無以異於子亢思溫幸卒  
得不死而述律之解腕幾無難於殺身使子車之

妻之姑之悍。有如是比。則雖子亢之言。亦無所謂。  
諷一而勸百矣。

檀弓。季武子寢疾。矯固不說。齊衰而入見。曰。斯道也。  
將亡矣。士惟公門說齊衰。武子曰。不亦善乎。君子。  
表徵疏曰。禮惟士入公門說齊衰。而入大夫之門。  
不合說也。將亡者。季氏世爲上卿。強且專國政。人。  
事之如君。故入其門者。皆說齊衰。而其嚮餘大夫。  
之門。猶有着齊衰者。故云將亡也。然此謂不杖齊。  
衰。若杖齊衰。雖公門亦不說之。予按杖齊衰。雖公。



門不說。而况斬衰。且不說於公門。况後世之司府  
川邑。以季氏之強。世顓國柄。如二君於魯。而蟻固  
能守禮。矯衆且乘其寢疾。觸其所深諱。而勿之。卹  
季武子。雖非其本心。然亦能降情從禮。而不敢以  
爲忤。蟻固不可及矣。而後世之爲士大夫。有媿於  
季武子者。不亦多乎。又按曲禮。重素不入公門。苞  
屨扱衽厭冠。不入公門。書方衰。凶器不以告。不入  
公門。公門在魯。則謂魯公之門。要皆君門也。大夫  
則不稱君。雖天子之卿大夫。亦不稱君。無公門矣。

獻公  
當祭  
必告  
為非  
礼

干

宋故宰相劉沆子瑾為館閣校勘。父亡得褒貶知制誥張環詞語泛譏貶瑾。涕泣不能食。闔門衰絰。邀宰相自言。朝廷為改書命。黜環。瑾亦坐衰服入公門。罷職。謂宰相政府門亦公門。至以禦人之斬齊。則宰相不學之故也。

慈湖家記云。衛有太史曰柳莊。寢疾。獻公曰。若疾革。雖當祭必告。公再拜稽首。請於尸曰。有臣柳莊也者。非寡人之臣。社稷之臣也。聞之死。請往。不釋祭服而往。遂以禭之。予之邑裘氏。予縣潘氏。書而納。

諸棺曰世世萬子孫無變也。見檀弓下篇。無譏焉。  
蓋嘗論之。柳莊雖賢臣。所祭則君也。當祭而廢者。  
惟天子崩后之喪耳。臣攝其事。則君薨夫人之喪。  
亦廢。不聞卿卒而廢也。曾子問諸侯旅見天子。入  
門不得終廢禮者。孔子曰。后之喪耳。不聞以卿之  
喪而廢也。况當祭乎。禮所本無而預戒之。使當祭  
必告。私也不釋服而往。異乎易羔裘玄冠之禮矣。  
遂以禭之。予之邑。予之縣。亦可少緩乎。知孔子不  
以車爲伯魚顏子之槨。則天理流行。人欲消釋。非

禮之禮不足以動其心矣。按慈湖論禮此一段是  
爲精密。獻公躁妄之君也。旣以此失國。幸而得入。  
猶不悛。以及國及郊。將班邑於從者而後入。獨不  
可少俟立朝乎。柳莊諫。始弗果班。及柳莊寢疾。疑  
其卽死。志不在祭。有當祭必告之命。已請於尸。不  
說祭服而往吊。遂以禋之。與之邑。與之縣。縱縱皇  
皇。然若將弗給於事者。猶及郊。班邑之初心也。豈  
知重禮而尊賢者哉。或曰。然則當祭必告。毋乃禮  
與。曰。非禮也。使禮無不告。則獻公不俟戒矣。胡氏

曰禮莫重於當祭。大臣有變而不以聞。則內得盡其誠敬之心於宗廟外。全隱恤之意於大臣。是兩得之也是也。曰昭公十四年二月癸酉有事於武宮。籥入。叔弓卒。去樂卒事。春秋無貶辭何也。曰二月癸酉。叔弓蒞事。籥入而卒於其所。夫籥入而卒於其所。緣先祖之心。見大臣之卒。必聞樂不樂。緣孝子之心。視已設之饌。不忍於徹而去之。故去樂卒事。所以爲禮。所謂禮雖先王未之有。可以義起也。以叔弓卒於宗廟之中。猶去樂而卒事。不爲

女子未嫁以死殉所許之論

廢祭柳莊卒於正寢尸在宗廟之中未及送而去之其爲非禮也甚矣後世若魏淮南王卒魏王方享宗廟始薦爲廢祭臨視哀慟梁大將軍馬道祖卒是日上方春祀二廟旣出宮有司以聞上卽幸其宅哭之慟皆爲輕徇人情而忘忽天理貪好賢之美名昧尊祖之實德臣子爲重祖考爲輕胥失之矣

女子未嫁而以死殉其所許之夫清江敖氏曰哀哉女也可以死可以無死夫旣許之納采問名矣夫

死而無或二者義也。故曰可以死。雖然言乎妻道。未親迎也。言乎婦道。未廟見也。言乎子道。未醮命也。而以死殉。未嫁之夫。不傷父母之心乎。故曰可以無死。陳子曰。女子者。非他父母之子也。其許嫁於人。莫之嫁焉。是固父母之子也。子也。從父。生死制之。夫又將焉從乎。夫婦也者。非人女子之所得自爲也。故曰可以死。可以無死。言死之勇也。無死之禮也。雖然。無死之而已乎。春秋衛女嫁太子。中道太子死。問傳母曰。且往當喪。喪畢。女不肯歸。

而見  
而死  
禮記  
卷之  
一

終之以死。曰。格子曰。禮取女有吉日。而女死。壻  
衰而吊。既葬而除之。夫死亦如之。衛女之所處  
出於此。今也不然。其於禮過矣。然則吊而未葬。女  
則何居。女未廟見而死。歸葬於女氏之黨。示未成  
婦。死不可卽墓而生。可卽其室乎。吊而返。服而待  
葬而除焉可也。然則吊而返。服以待葬而除焉。斯  
禮之正也。

春秋女在其國。稱女。在塗。稱婦。然曾子問。女未廟見  
而死。則不遷於祖。不祔於皇姑。壻不杖。不菲。不次。



歸葬於文氏之黨。示未成婦也。况既聘而未行者乎。周召南之國有女既聘而男暴之者。其女不可因訟於召公而有行露之譏。見列女傳。北史魏涇州貞女兒氏者。許彭老生爲妻。禮未成。老生輒往逼之。女曰。與君聘命雖畢。二門多故。未及相見。何緣不稟父母。擅見陵辱。若苟行非禮。正可身死耳。老生怒而刺殺之。女尚能言。曰。生身何辜。與君相遇。我所以執節自固。寧更有所邀。正欲奉給君耳。今反爲君所殺。言終而絕。老生持女衣服珠纓。至

其叔宅以告。叔曰：「此是汝婦，奈何殺之？」天不祐汝，遂執逆官。大和七年，有司上其事，詔標其墓，號曰貞女。繇兩事觀之，夫六禮不備，則貞女不行。且旣聘之，男如生，猶曰：「兄弟死而輒相爲夫婦，可乎？」女曰：「從父而自行，可乎？」男不可暴女，而女可從男乎？韓詩外傳：高子問於孟子曰：「夫嫁娶者，非已所自親也，衛女何以得編於詩也？」孟子曰：「有衛女之志，則可。無衛女之志，則怠也。然則春秋衛女之事，誠過也已。」

近世陸儼山願豐堂漫書云：張莊懿公鑒

仲子早卒，聘郿城趙氏女。女聞夫卒，卽輿至夫家，守制奉翁姑如婦禮。年五十餘矣。弘治間，宜春劉琬守松上其事，旌之，題曰趙氏張節婦。顧侍讀士廉以為言婦則無所傳麗，言女則已離其母家，若不當旌者。錢脩撰與謙奮臂起辨之，引張良陶潛為事類，至千餘言，不罷郡中。閔予時游南雍，還心是士廉言，而與謙已病革矣。元余忠宣公闕為中書吏部員外郎，時安西邵氏女受聘未行，會夫卒，自縊死。有司請旌其門，闕以為過於中庸，格不

曾子  
易簣  
論

下當時禮官無引此以駁之者

朱子荅王子合書論曾子易簣之義曰子晦所謂使  
無童子之言則曾子亦汨然委順未足以病其死  
惟童子之言一入其聽而士死於大夫之簣則有  
所不安故必舉扶而易之然後無一毫愧心而安  
其死此數句甚善但謂大夫有賜於士之禮則未  
知所據似未安也子合所謂大夫之簣季孫安得  
賜諸曾子曾子亦安得受諸季孫曾子固曰我未  
之能易則其平日蓋欲易之矣此論至善但謂曾

子辭季孫之仕則亦無據而曰不欲為已甚而黽勉以受其賜則又生於世俗委曲計較之私而非聖賢之心矣又云死生之際則異於是蓋有一毫不正則有累於其生如此則是人之生也可無不為必將死而後始為計也此亦必不然矣今但平心而論則季孫之賜曾子之受皆為非禮或者但仍習俗嘗有是事而未能正耳但其疾病不可以變之時一聞人言而必舉扶而易之則非大賢不能矣此事切要慮只在此毫釐頃刻之間固不

必以其受之爲合禮而可安亦不必以爲與世周旋不得已而受之也况善吾生乃所以善吾死豈有平時勉徇情安於僭禮必俟將死而後不肯一毫之差而足以善其死耶且若如此則聖賢臨終之際事緒紛然亦不勝其改革矣若曾子之事計其未死之前有人言之則必卽時易之而不俟將死之日矣按朱子此書斷然以華而皖爲大夫之簀以季孫之賜曾子之受爲非禮然旣曰非禮不察而受之又未察而用之至於病已革而尚未

之能易。乃不及一童子。使微童子之言。則所以置其手足於非禮之地。雖曾子至是。且不免也。何以爲曾子。竊恐未然。臨川吳氏曰。考之於禮。寢簞之制。未聞有貴賤之殊。但貧者素質。富者華美。童子見之。驚其華晚。故曰。大夫之簞與。其意非欲曾子易之也。使曾子不易此。亦未爲害。故子春元申皆不欲其易。而曾子一聞童子之言。必欲易之。蓋曰。禮制雖無違戾。然不若終於常時所寢。質素者之得其正也。古之君子。當臨終之際。其謹有加於平。

時平時夜卧在燕寢將終則必遷於正寢平時亦有女侍將終則一切屏去而不使死於婦人之手皆與常時異故曾子生時可寢季孫所賜華美之簀至終則必易之而但用常時所寢素質之簀也諸儒舊說竝謂曾子非大夫不可終於大夫之簀此誤解童子所云大夫之簀四字之意也倘大夫之簀與士之簀有差等則季孫之賜曾子自不當受受之亦不當用今曾子用之寢至於將死而猶不易其於禮制無不可也明矣若循襲舊說是曾



子自安於非禮而不知子春陷師於非禮而不言。當時若無童子一語。曾子竟以非禮而終也。是曾子子春曾元曾申之見。皆不及一童子也。彼童子何知焉。不過驚訝其簀之華美而已。此說獨精當。其謂禮寢簀有華素。無貴賤。原無所謂大夫之簀。童子但幼小。駭所未嘗見。本不可謂之知禮。皆從前諸人所未及。必如此。然後於曾子平生察理之精。檢身之密。及死而任道之勇。皆可以槩見。不然。但如子合之言。所謂知其非禮不欲爲已甚。而龜

柳下惠  
論

勉以受之固出於世俗委曲計較之私而非聖賢之心若如朱子所謂因仍習俗嘗有是事而未能正則天下之事孰非因仍習俗所墮壞曾僭周三家之僭魯亦習俗而不自知耳魯公曰吾何僭矣此豈復自知其僭可以謂曾子而有是乎

或問柳下惠姬不逮門之女仁夫惟其心之足明也陳子曰不然君子之所以明於天下將惟其心而已乎卽證父之攘而曰吾心之未始不孝也兵以脅其君而曰以行吾心之忠也紵兄之臂而以爲

吾弟也而可乎。夫所以著吾心之信者，必迹也。禮於男女之際，辨之嚴矣。曰不雜坐也，不同櫬架也，不同巾櫛也，不親授也，不共井也，不同浴也，不同寢席也，不通乞假也，不通衣裳也，嫂叔則不通問也。諸母則不漱裳也。姑姊妹女子子已嫁而反，則兄弟不與同席而坐也，同器而食也。記魯文伯之母季康子之從祖叔母也。康子往馬闕門而與之言，皆不踰闕。夫叔嫂也，母子也，姑姊妹兄弟也，其尊也親也，此其大倫之可以云嬖者也，而猶不

敢畧於形迹之近而況將有疏於此者乎。坐也。施  
架也。巾櫛也。授受也。井也。溷浴也。寢席也。乞假也。  
衣裳也。此其外物之可得而假者也。而猶致謹於  
形迹之似。而況且有暱於此者乎。逆旅之女子。此  
其情之有疏於此者也。解衣而覆嫗之。此其迹之  
且有暱於此者也。於此而可。又曷不可乎。夫君子  
之於天下。無一物而非愛也。然而鄉隣有鬪。必不  
被髮而往救。井有人焉。必不陷其身而從之。何則。  
於人有可赴之急。而於我則固有不可越之禮。而

不可罔之智也。拯人之危而先寘我於不潔之地。可疑之迹。是越禮而罔其智也。夫夜寒之女子。未必死也。而死亦人之所不免。而吾之所無如之何也。然吾不救而死。是死一行道之女子也。內之於懷而覆之衣。是救一女子。而決男女之防。壞先王之教也。此一女子。無故夜行。又望人而託之宿。內之懷而甘心焉。故惠也。猶得以乘彼之愚。而行吾之愛也。卽楚之貞姜。且有寧水死而不下臺。以俟其君之命者。宋之伯姬。有寧火死而不下堂。以待

其姆之至者。彼誠以爲禮重於生。棄禮則不如死也。而得而媚之乎。則惠也得母望而愧乎。凡聖人之所爲。後世人之所做也。堯舜之禪讓。而後世且有以竊人之國。湯武之放伐。而後世有以下偪其上。彼數聖人之舉動。且昭昭然。揭大義而行之天下。而猶不能必善其後。而况乎處嫌疑之跡。開褻汚之端。自此始也。後世且有越而奔者。皆口實於柳下之爲。而何以止之乎。凡禮必始於謹。嫌疑爪之田而履不納。李之蹊而冠不整。畏其形之似也。

盜泉之水。渴而不飲。惡木之陰。勞而不息。誠惡其名之近也。夫形之似而畏之。名之近而惡之。而况將有處其實乎。踰東家之牆而撓其處。子則得妻。不撓則不得妻。夫不得妻。與夫一行道之女子。孰重。然而寧不得妻而不撓也。况將裸體袒懷而救一行道之女子乎。是其所全者幾何。而所喪不亦大乎。蓋此出於書記之所傳。恐柳下惠未必有之。苟其事出於柳下惠。則猖狂棄禮不恭之罪。惠誠無以辭之。又何以風天下而師百世。然而孔子稱

其直。孟子稱其介則固不宜惠之有此也。或曰。孺溺援之以手。權也。則何如。曰。是固不倫也。嫂之於我。戚也。長也。異乎逆旅之婦人。行道之女子也。况乎援以手者。固朗於體覆而溺以書者。抑表於夜行也。

季氏富於周公

季氏富於周公。周公不以富聞。擬季氏。益非倫也。然則謂季氏富於周公。正謂其富於魯耳。此魯也。周公始封之魯也。如曰富於魯。則今魯固貧矣。萬而僅具二人射而不足三耦。雖富之。庸愈乎。故曰富。



於周公。蓋指其錫之山川土田附庸之初而言也。  
緣季氏雖用今魯。而加以培克。故富過之。

論  
孔子  
名

正名按子由古史曰。衛之人道絕矣。孔子於是焉而  
欲正之。豈將廢輒而立郢與其亦將教輒避位而  
納蒯瞶耳。蒯瞶得罪於父。生不養。死不葬。然其入  
也。春秋書曰。晉趙鞅帥師納衛世子蒯瞶於戚。非  
世子而以世子名之。以其子得立於衛。或與爲世  
子也。若輒避位而納其父。是世子爲君也。而名猶  
不正乎。名正而衛定矣。齊三筆曰。夫子所過者。

化不言而信。衛輒待以爲政。當非下愚不移者。荷其用。我必將道之以天理而趣反其真。命駕虛左以迎其父。不難也。則其有補於名義。豈不大哉。傳習錄曰。先儒說上告天子。下告方伯。廢輒立郢。恐難如此。豈有一人致敬盡禮待我而爲政。我就先去廢他。孔子旣肯與輒爲政。必已是他能傾心委國而聽聖人。盛德至誠。必已感化衛輒。使知無父之不可以爲人。必將痛哭奔走往迎其父。父子之愛。本於天性。輒能悔痛真切。崩殯豈不感動底豫。

崩殯既還輒乃致國於父。殯已見化於子。又有夫子至誠調和於其間。當亦決不肯受。仍以命輒。群臣百姓又必欲得輒爲君。輒乃自暴其罪惡。請於天子。告於方伯諸侯。而必欲致國於父。殯與群臣百姓亦皆表輒悔悟仁孝之美。請於天子。告於方伯諸侯。必欲得輒而爲之君。於是集命於輒。使之復君衛國。輒不得已。乃如後世太上皇故事。率群臣百姓尊殯爲太公。備物致養而始退復其位焉。則君君臣臣父父子子。各正言順。一舉而可爲政。

子見  
南子

於天下矣。按從前諸儒說孔子正名於衛。云孔子當廢輒立郢。以事理度之。夫已事之輒廢之。非情也。且羈旅之人。一旦立於人之本朝。乃遽而議廢立可乎。告於天子。天子不能知。告於方伯。則晉固使趙鞅帥師納蒯聵於衛矣。故當於事理而協於人情。則三說爲允。必也使夫衛國不改其視聽。君臣父子。油然而各得於理。則陽明之說較尤獨優乎。

子見南子。史記謂孔子見衛靈公寵姬南子。孫奕云。

攷家語孔子適衛衛靈公與夫人南子同車出而  
令宦者雍渠參乘使孔子爲次乘游過市孔子耻  
之且聖人耻爲靈公南子次乘豈肯輕身以先於  
匹婦哉又且六經魯論家語皆無見衛南子之事  
不知子長何所据而云然則南子者爲誰是必魯  
之南蒯也何以知之以佛肸召子欲往而知之也  
佛肸以中牟畔子路不欲其往而夫子有吾豈匏  
瓜之喻南蒯以費畔子路亦不悅其見蓋魯公十  
四年南蒯之奔齊也待飲於景公公曰叛夫對曰

夫子  
自矢  
道否

臣欲張公室也。南蒯欲弱季氏而強魯。此夫子所以見之也。與佛肸事不約而同。故知其非見衛之南子。而見魯之南子也。見餘冬序錄。予初亦當其說。且疑朱子註論語不知何故去之。及攷困學紀聞云。陳自明以子見南子爲南蒯。以傳攷之。昭公十二年南蒯叛孔子年五十一。有二子路少孔子九歲。年方十三。其說蓋不通。然後知孫說非事實。而朱子之不取有以也。

子見南子。子路不悅。夫子矢之。若如朱註。則孔門

幾許大事。以聖人心胸。師弟之際。輒指心靈。天以禍福爲解。恐非平居廣大和平之指。程氏遺書謂孔子之見南子。禮當見之也。南子之欲見孔子。亦其善心。聖人豈得而拒之。子路不悅。故夫子陳之曰。予所否塞者。天厭之言。使我至此者。天命也。比朱註差近。然使南子理無可見。何天命使夫子必見耶。愚謂當時夫子旣道不可行於衛。偶南子有以誠意欲見夫子。夫子亦以理見之。子路不悅。謂夫子詭遇以求獲耳。故夫子未暇明言其當見與。

孔子稱賜不受命而貨殖

已不得不見而但直語之曰道之不行天也蓋曰予豈違天以僥倖者所以白其本心而曉下路可謂辭不迫而意至矣

孔子稱賜不受命而貨殖焉蓋譏其學於仁義之道而猶不忘是心異乎顏子之屢空耳豈若販脂賣漿灑削胃脯日遑遑焉者哉傳貨殖者乃列子貢使與白圭烏氏倮等同曹隋珠之雜薰朶也不亦謬乎又謂其結駟連騎束帛之幣騁享諸侯予以爲匹夫無執圭而交禮於邦君誰則內之獨其謂



所至分庭亢禮。蓋諸侯慕其聲實。因而賓之。亦非以富也。或曰。廢箸鬻財信乎。曰。古者有四民。而士之未遇。不耻爲之。士而農。伊尹之耕野是也。士而工。傅說之版築是也。士而商。膠鬲之鬻販是也。或曰。王克之論何如。曰。王克之自叙也。自傷其以貧賤見躓。反跂而高之可矣。何必詆富。子貢不幸而富。孔子有貨殖之言。而班史列傳。復以儕之猗頓。陶朱之流。固大絀辱矣。克言又甚。曰。士願與憲同廬。不慕與賜同衡。樂與夷俱旅。不貪與跖比跡。抑

原壤  
孔子  
幼之  
舊故

又曹賜於跖也可乎

魏李業興使梁梁武問曰禮原壤母死叩木而歌孔子聖人而與壤爲友業興對曰孔卽自解言親者不失其親故者不失其故又問原壤何處人對曰註云原壤孔子幼之舊故是魯人又問原壤不孝有逆人倫何以存故舊之小節廢不孝之大罪對曰原壤所行事自彰著幼少之交非自今始旣無大過何容棄之愚謂原壤母死且登人之木而歌女手斯豈薄物細故而孔子尚欲以親故全交也

耶業興之對殆非也。蓋是時孔子固已絕矣。絕友者。令其可交。至於交絕而猶不出惡聲者。厚也。故佯爲弗聞也者。而過之。爲弗聞也者。而過之。則不鳴。冉求之鼓不歌。孺悲之瑟。若人之得失。無我預者。則亦以塗之人。俟原壤而已矣。其絕之也。固已甚矣。從者不知而怪問之。則孔子有難於顯言焉。故曰親者母失其爲親。故者母失其爲故。蓋一時之權詞。非孔子之情言也。

教人者。先察其所短而治之。故柴之愚。參之魯。師之

以短人

任人  
以長

辟由之疹而學於孔子皆可以成德取人者當量其所長而任之故賜之達由之果求之藝而用於孔子皆可以從政以短治人教之嚴也以長任人用之寬也

正誼  
明道

正其誼不謀其利誼正卽利奚謀哉明其道不計其功道明卽功奚計哉故謀而後利違誼之利也誼外無利非誼之利害而已矣計其後功違道之功也道外無功非道之功罪而已矣強兵富國非曰仁利而不勝其害也尊主攘狄非曰仁功而不勝

楊氏  
墨氏

劉向  
孟子  
論詩  
不失  
孔子  
之音

其罪也

仁可無於楊氏之爲我而不可無於不敢橫私其身  
之一語義可無於墨氏之兼愛而不可無於不忍  
薄莖其親之一事

漢書劉向云孔子論詩至於殷士膚敏裸將於京喟  
然歎曰大哉天命善不可不傳於子孫是以富貴  
無常不如是則王公其何以戒慎民萌其何以勸  
勉蓋傷微子之事周而痛殷之亡也今按孟子謂  
孔子讀此詩而讚之曰仁不可爲衆也與向傳异

士與  
君臣  
有三  
品

然向意以殷戒亡者蓋主於喻漢而孟子則欲風  
齊梁之君以周之所以興要皆爲不失孔子之旨  
可也

餘冬序錄謂斬裁之論士之品有三有志於道德者  
有志於功名者有志於富貴者按晁氏客語中已  
有此語予謂此語亦非獨晁氏此三品者亦不獨  
士爲然孟子曰廣土衆民君子欲之所樂不存焉  
此志於富貴者之不足以與乎功名也中天下而  
立定四海之民君子樂之所性不存焉此志於功

名者不足以與乎道德也。君子所性雖大行不加焉。窮居不損焉。此志於道德而功名富貴不足以言也。此自爲人君者。有此三品也。又曰。有事君人者。事是君。則爲容悅者也。此志於富貴者。也有安社稷臣者。以安社稷爲悅者也。此志於功名者也。有天民者。達可行於天下。而後行之者也。此志於道德者。也有大人者。正己而物正者也。此則和順於道德而志又不足言矣。此自爲人臣者。亦有此三品也。

人臣不可  
以寇讐  
君視

不更  
華母  
為章  
子之  
過而

孟子曰君之視臣如犬馬則臣視君如國人君之視臣如土芥則臣視君如寇讐聞讐言人者弗與之同國弗與之共天視其君者曷至是既君之而讐之可乎非所以教人為臣也漢賈傳曰王上遇其臣如犬馬彼將犬馬自為也遇其臣如官徒彼將官徒自為也其旨稍平然曰以犬馬自為則非矣夫王遇我以犬馬我獨不得為麟鳳乎

匡章孟子禮之呂覽記其言論為多史記齊王令章子將五都之兵因北地之衆以伐燕齊大勝燕注



章子。卽匡章。見孟子。今按戰國策。秦攻齊。齊威王使章子將而應之。與秦交和而舍。使者數相往來。章子爲變其徽章。以雜於秦軍。候者言章子以齊入秦。威王不應。頃間候者復言章子以齊兵降秦。威王不應。如此者三。有司請王廢將而擊之。王曰。此不叛寡人明矣。曷爲而擊之。頃間言齊兵大勝。秦兵大敗。左右曰。何以知之。王曰。章子之母啓得罪其父。其父殺之而埋馬棧之下。吾使章子將也。勉之曰。夫子之強全兵而還。必更葬將軍之母。對。

曰非不能更葬先妾也。臣之母啟得罪臣之父。臣父未教而死。夫不得父之教而更葬母。是欺死父也。故不敢。夫爲人子而不欺死父。豈爲人臣而欺生君哉。注亦以章子卽匡章。蓋必有據。彼父母間如是。其責善於父意必以是。故與章母得罪於父。其嚴止於放已手殺之。而不以狗馬禮葬。甚矣。章蓋庶幾乎將成母於父而不能以得罪其父。則黜妻屏子。旣以自罰。猶將以身悟父。而萬一焉。迄於不可。則章子之不得爲孝。非獨淄澠間人語矣。

然其志其事不有可原者耶。此孟子所以有取與。  
或曰其不更葬母則如之何。曰章子過矣。固有違  
而道者。語曰孝子從道不從父。魏顆不從其父之  
亂命。陳乾昔之子以父命非道則不從。彼於婢妾  
間猶正之。而况其母乎。况重以君之命乎。章子過  
矣。